

In libro l'emmo scrîto niatri sòcci ascî: Coæ de mangiâ, con tante nòstre ricètte, dixendo anche perchê emmo vosciuo çerne pròpio quelle.

O nòstro boletin, sciortîo senpre pontoale, o no l'è 'na rivista comme tante atre da faghe l'abonamento, comme quarchedun se credde: o l'è pensòu e fæto pe-i sòcci e çerchemmo de mantegnîlo a l'altessa di complimenti che de spesso ne fan.

A-a fin d'arvî emmo fæto a gita sociale a Varzi: comme senpre l'è stæto çernuo 'na meta pòco conosciua e anche pe questo interessante. Emmo fæto anche de bèlle vixite goidæ in çità: l'Archivio do Magistrato de Misericordia, l'Abèrgo di Pövei, a mostra in scî Scciavi a Zena a l'Archivio de Stato, a caza inta montâ de San Françesco ch'a l'â ospitòu o poeta Paul Valéry, o depuratò de Quinto e o monestê de Santa Ciæa a San Martin.

Emmo avûo de vixite in sede ascî: a frevâ 'na delegaçion de discendenti di Giustinien; a zugno a giornalista inglêize Polly Coles, pe retiâ o premio che gh'âivimo dæto do 2014, in seu asensa; d'òtobre i amixi de Lucinasco, o pàize dove a Compagna a l'â adotòu 'n èrbo d'òivo.

Naturalmente no emmo mancòu i nòstri apontamenti fissi, istituzionali, co-o gonfalon: e porcescioin do Corpus Domini e de San Gianbatista, e Giornæ de Colombo, o Balilla, o voto in Oeginn-a e o ciù bèllo, o Confeugo, dedicòu stavòtta no a 'n personaggio ma a-a çità de Zena, coscì profondamente feria.

Semmo stæti anche invitæ a-a fèsta di Cavagê de Malta a San Pancraçio e a-a fèsta de Sant'Antonio a Bocadaze; a zugno semmo stæti prezenti a-a Regatta stòrica de antiche Republiche mainæ e a dixerbre a-o Palio remiero Città di Genova, fæto a-o pòsto do Palio de San Pè.

E pòi emmo dæto i Premi da Compagna, emmo fæto o spetàcolo a Paxo e trei incontri muxicali inta sala di Ceghi da Berio. Emmo fæto restaorâ 'n atra figurinn-a do prezepio da Duchessa a Voltri, doî documenti de l'Archivio de Stato e a lapide che a Compagna a l'âiva fæto mette a palasso San Zòrzo.

A novembre emmo finalmente avuo a sodisfaçion de vedde torna in pè o monumento a-o Ducca de Galiera, in fondo a stradda Còrsega: o l'ea stæto o mogogno de ben quattro Confeughi!

Se semmo anche vosciui ricordâ di fondatoî da Compagna: con l'asociaçion Per Staglieno emmo çercòu e seu tonbe, e in sce quelle ch'emmo posciuo trovâ gh'emmo misso in cartelin co-a medaggia-ricòrdo. O nevo de un de liatri o l'â vista e o n'â vosciuo ringraçiâ

Pe Natale emmo alestio o nòstro prezepio in sede e in pò de gente a l'è vegnu a vixitalo: coscì emmo avuo mòddo de faghe notâ tutti i particolari e de parlâ anche in pò de l'asociaçion.

A propòxito de sede, gh'è in vista 'na bèlla novità: o Comune o l'aprexa quello che fa a Compagna pe-a çità e o ne dà l'uzo de tutto o cian! Poriemo scistemase in pò meglio e pensâ de deviala anche pe quarche atra iniçiativa: se gh'èi de idee, fænele conosce e into limite do poscibile çerchiamo de realizale. Saia pròpio 'na bèlla còsa se tanti sòcci pigessan l'ândio de vegnî a-a Pòsta Vecchia, pe leze in libro ma anche pe trovase e discorî, magari in zeneize!

Òua lascio a parolla a-a nòstra tezorea, ch'a ve diâ che a dinæ a Compagna a no se peu lamentâ, graçie a tutti viatri che a-a sostegnî e ghe voei ben.

Alegri!

Isabella Descalzo  
Gran cançealea

*Un libro l'abbiamo scritto anche noi soci: Coæ de mangiâ, con tante nostre ricette, dicendo anche perché abbiamo voluto scegliere proprio quelle.*

*Il nostro bollettino, uscito sempre puntuale, non è una rivista come tante altre alla quale abbonarsi, come qualcuno crede: è pensato e fatto per i soci e cerchiamo di mantenerlo all'altezza dei complimenti che spesso ci fanno.*

*A fine aprile abbiamo fatto la gita sociale a Varzi: come sempre è stata scelta una meta poco conosciuta e anche per questo interessante. Abbiamo fatto anche belle visite guidate in città: l'Archivio del Magistrato di Misericordia, l'Albergo dei Poveri, la mostra sugli Schiavi a Genova all'Archivio di Stato, la casa in salita San Francesco che ha ospitato il poeta Paul Valéry, il depuratore di Quinto e il monastero di Santa Chiara a San Martino.*

*Abbiamo avuto anche visite in sede: a febbraio una delegazione di discendenti dei Giustiniani; a giugno la giornalista inglese Polly Coles, per ritirare il premio che le avevamo dato nel 2014, in sua assenza; a ottobre gli amici di Lucinasco, il paese dove la Compagna ha adottato un albero di olivo.*

*Naturalmente non abbiamo mancato i nostri appuntamenti fissi, istituzionali, col gonfalone: le processioni del Corpus Domini e di San Giovanni Battista, le Giornate Colombiane, il Balilla, il voto in Oregina e il più bello, il Confeugo, dedicato questa volta non a un personaggio ma alla città di Genova, così profondamente ferita.*

*Siamo stati anche invitati alla festa dei Cavalieri di Malta in San Pancrazio e alla festa di Sant'Antonio a Bocadasse; a giugno siamo stati presenti alla Regata storica delle antiche Repubbliche marinare e a dicembre al Palio remiero Città di Genova, che ha preso il posto del Palio di San Pietro.*

*E poi abbiamo dato i Premi della Compagna, abbiamo fatto lo spettacolo a Palazzo Ducale e tre incontri musicali nella sala Chierici della Berio. Abbiamo fatto restaurare un'altra figurina del presepio della Duchessa a Voltri, due documenti dell'Archivio di Stato e la lapide che la Compagna aveva fatto mettere a palazzo San Giorgio.*

*A novembre abbiamo finalmente avuto la soddisfazione di vedere di nuovo in piedi il monumento al Duca di Galliera, in fondo a via Corsica: era stato il mugugno di ben quattro Confeughi!*

*Ci siamo anche voluti ricordare dei fondatori della Compagna: con l'associazione Per Staglieno abbiamo cercato le loro tombe, e su quelle che abbiamo potuto trovare abbiamo messo un cartellino con la medaglia ricordo: Il nipote di uno di loro l'ha vista e ci ha voluto ringraziare.*

*Per Natale abbiamo allestito il nostro presepio in sede e un po' di gente è venuta a visitarlo: così abbiamo avuto modo di farne notare tutti i particolari e di parlare anche un po' dell'associazione.*

*A proposito della sede, c'è in vista una bella novità: il Comune apprezza quello che fa la Compagna per la città e ci dà l'uso dell'intero piano! Potremo sistemarci un po' meglio e pensare di adoperarla anche per qualche altra iniziativa: se avete delle idee, fatecele conoscere e nei limiti del possibile cercheremo di realizzarle. Sarebbe proprio una bella cosa se tanti soci prendessero l'abitudine di venire alla Posta Vecchia, per leggere un libro ma anche per incontrarsi e chiacchierare, magari in genovese!*

*Ora lascio la parola alla nostra tesoriera, che vi dirà che a quattrini la Compagna non si può lamentare, grazie a tutti voi che la sostenete e le volete bene.*

Alegri!

Isabella Descalzo  
Gran cancelliera